

Þrátt fyrir ákvæði 1. málsg. er ráðherra heimilt, að fengnum tillögum Fiski- 6
félags Íslands, að veita leyfi til sildveiða í landhelgi með flotvörpu. Leyfi þetta skal 17. febr.
bundið því skilyrði, að hlutaðeigandi veiðiskip sé eingöngu gert út til sildveiða. Auk
þess getur ráðherra bundið leyfið þeim öðrum skilyrðum, er hann telur nauðsynleg,
þar á meðal að allur afli annar en sild sé upptækur til ríkissjóðs.

2. gr.

2. gr. laganna orðist svo:

Nú er botnvörpuskip í fiskveiðilandhelgi, og skulu þá veiðarfæri öll vera í búlka innanborðs.

3. gr.

Á eftir 2. gr. laganna komi ný grein, sem verður 3. gr., svo hljóðandi:

Ráðherra er heimilt samkvæmt tillögum fiskideildar atvinnudeildar háskólans og að fengnum meðmælum Fiskifélags Íslands að veita fiskirannsóknarskipum og vísindamönnum leyfi til að nota botnvörpu eða flotvörpu í rannsóknarskyni innan fiskveiðilandhelgi Íslands. Leyfi samkvæmt þessari grein skal ávallt tímabundið.

4. gr.

Með lögum þessum eru úr gildi numin lög nr. 82 8. des. 1952, um breyting á lögum nr. 5 18. maí 1920, um bann gegn botnvörpuveiðum.

5. gr.

Lög þessi öðlast þegar gildi.

Gjört í Reykjavík, 17. febrúar 1959.

Ásgeir Ásgeirsson.

(L. S.)

Friðjón Skarphéðinsson.

L Ö G

um breyting á lögum nr. 19/1955, um breyting á lögum nr. 124
22. des. 1947, um dýralækna.

7

17. febr.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

1. gr. laganna orðist svo:

Á Íslandi skulu vera dýralæknisumdæmi, sem hér segir:

1. *Gullbringu- og Kjósarsýsluumdæmi:* Reykjavík, Kópavogskaupstaður, Hafnarfjörður, Keflavík, Gullbringu- og Kjósarsýsla.
2. *Borgarfjarðarumdæmi:* Borgarfjarðarsýsla, Akraneskaupstaður, Mýrasýsla, Snæfellsnes- og Hnappadalssýsla að Skógarstrandarhreppi.
3. *Dalaumdæmi:* Skógarstrandarhreppur í Snæfellsnessýslu, Dalasýsla og Austur-Barðastrandarsýsla vestur að Klettshálsi.
4. *Barðastrandarumdæmi:* Flateyjarhreppur og Múlahreppur í Austur-Barðastrandarsýslu, Vestur-Barðastrandarsýsla og Auðkúluhreppur, Þingeyrarhreppur og Mýrahreppur í Vestur-Ísafjarðarsýslu.

- 7 17. febr. 5. *Ísafjarðarumdæmi*: Mosvallahreppur, Flateyrarhreppur og Suðureyrarhreppur í Vestur-Ísafjarðarsýslu, Ísafjarðarkaupstaður, Norður-Ísafjarðarsýsla og Árneshreppur í Strandasýslu.
6. *Húnaþingsumdæmi*: Húnavatnssýslur og Strandasýsla að Árneshreppi.
7. *Skagafjarðarumdæmi*: Skagafjarðarsýsla, Sauðárkrókur og Siglufjörður.
8. *Eyjafjarðarumdæmi*: Ólafsfjörður, Akureyri, Eyjafjarðarsýsla og Svalbarðsstrandarhreppur og Grýtubakkahreppur í Suður-Þingeyjarsýslu.
9. *Þingeyjarþingsumdæmi*: Suður-Þingeyjarsýsla austan Vaðlaheiðar, Húsavík og Norður-Þingeyjarsýsla.
10. *Austurlandsumdæmi*: Norður-Múlasýsla, Seyðisfjörður, Neskaupstaður og Suður-Múlasýsla að Breiðdalsheiði.
11. *Austur-Skaftafellssýsluumdæmi*: Austur-Skaftafellssýsla og Suður-Múlasýsla norður að Breiðdalsheiði.
12. *Vestur-Skaftafellssýsluumdæmi*: Vestur-Skaftafellssýsla og Austur-Eyjafjallahreppur í Rangárvallasýslu.
13. *Rangárvallaumdæmi*: Rangárvallasýsla að Austur-Eyjafjallahreppi.
14. *Selfossumdæmi*: Villingaholtshreppur, Gaulverjabæjarhreppur, Stokkseyrarhreppur, Eyrarbakkahreppur, Sandvíkurhreppur, Selfosshreppur, Hraungerðishreppur, Ölfushreppur, Selvogshreppur, Hveragerðishreppur og Vestmannaeyjar.
15. *Laugarásumdæmi*: Gnúpverjahreppur, Hrunamannahreppur, Skeiðahreppur, Biskupstungnahreppur, Grímsneshreppur, Laugardalshreppur, Þingvallahreppur og Grafningshreppur.
- Landbúnaðarráðherra ákveður, hvar héraðsdýralæknar skuli hafa búsetu. Meðan ekki fást dýralæknar í hin lögákveðnu dýralæknisumdæmi samkvæmt þessari grein, er héraðsdýralæknum skylt án sérstakra launa úr ríkissjóði að gegna dýralæknisstörfum í þessum umdæmum eftir ákvörðun ráðherra.

2. gr.

Lög þessi öðlast þegar gildi.

Gjört í Reykjavík, 17. febrúar 1959.

Ásgeir Ásgeirsson.

(L. S.)

Friðjón Skarphéðinsson.

AUGLÝSING

um viðskiptasamning milli Íslands og Finnlands.

Hinn 3. febrúar 1959 var undirritaður í Helsingfors samningur um viðskipti milli Íslands og Finnlands. Samningurinn gildir frá 1. febrúar 1959 til 31. janúar 1960.

Helztu útflutningsvörur frá Íslandi til Finnlands verða saltsild, sildar- og fiskimjöl, þorskalýsi, fryst fiskflök, freðsild, skreið, garnir og gærur.

Helztu útflutningsvörur frá Finnlandi til Íslands verða trjáviður, krossviður, þilplötur, pappi og pappírsvörur, rafmagnsvélar, járnvörur og gúmiskófataður.

Þetta er hér með gert almenningi kunnugt.

Utanríkisráðuneytið, 12. febrúar 1959.

Guðm. Í. Guðmundsson.

Henrik Sv. Björnsson.